

Headline	Insentif RM500j bantu petani, penternak, nelayan	Language	MALAY
Date	09. Jun 2008	Page No	25
Media Title	Utusan Malaysia	Article Size	236 cm2
Section	Dalam Negeri	Frequency	Daily
Circulation	238082	Color	Full Color
Readership	833287		



Insentif RM500j bantu petani, penternak, nelayan

Oleh RAHANA MOHD. DAHARI

JELI 8 Jun – Kerajaan akan menambah peruntukan sebanyak RM500 juta pada akhir bulan ini untuk membantu golongan petani, penternak dan nelayan ekoran kenaikan pelbagai kos termasuk bahan bakar.

Menteri Pertanian dan Industri Asas Tani, Datuk Mustapa Mohamed berkata, bantuan berupa insentif tunai itu akan di agihkan kepada golongan tersebut selepas mereka mendaftar dengan Jabatan Pertanian di daerah masing-masing.

Beliau berkata, bantuan tersebut merupakan langkah meringankan beban rakyat terutama golongan rendah dan pertengahan berikutan kenaikan pelbagai kos sara hidup termasuk pertanian sejak kebelakangan ini.

"Kerajaan memahami kenaikan input pertanian yang membebaskan golongan petani, penternak dan nelayan, lantaran itu kita telah membuat

Melalui bantuan tersebut, kerajaan akan menampung 20 hingga 30 peratus daripada kos pengeluaran terutama di kalangan pengusaha tanaman, penternak dan akuakultur

MUSTAPA MOHAMED
Menteri Pertanian dan Industri Asas Tani

keputusan dan bersetuju menampung sebahagian kenaikan kos pengeluaran tersebut.

"Insentif dalam bentuk tunai tersebut akan mula diagihkan apabila peruntukan sebanyak RM500 juta diterima pada akhir bulan ini kepada golongan berkenaan yang mendaftar dengan Jabatan Pertanian," katanya.

Beliau berkata demikian kepada pemberita dalam sidang akhbar selepas majlis pelancaran Pusat Urusan Sehenti Perkhidmatan dan Informasi Agro Tani (Puspa Tani) Parlimen Jeli dan Hari Terbuka bersama Pakar Pertanian Universiti Putra Malaysia (UPM) di Kom-

leks Rehat & Rawat Jeli di sini hari ini.

Turut serta Pengarah Pertanian Negeri, Maliha Ghazali, Naib Canselor UPM, Profesor Datuk Dr. Nik Mustapha R. Abdullah dan Pengarah Pusat Pengembangan Keusahawanan dan Kemajuan Profesional UPM merangkap Pengerusi Jawatankuasa Penganjur, Dr. Azimi Hamzah.

Mustapa berkata, melalui bantuan tersebut, kerajaan akan menampung 20 hingga 30 peratus daripada kos pengeluaran terutama di kalangan pengusaha tanaman, penternakan dan akuakultur.

Katanya, bantuan tersebut adalah ga-

lakan kepada golongan tersebut supaya meneruskan aktiviti pertanian dan menambah pengeluaran makanan negara.

"Melalui program menambah pengeluaran makanan, kerajaan mengenal pasti untuk meningkatkan penanaman padi negara yang dijadualkan dirasmikan oleh Perdana Menteri, Datuk Seri Abdullah Ahmad Badawi di Kampung Perangkap, Pasir Mas minggu hadapan.

"Langkah tersebut sebagai insentif menambah pengeluaran padi yang melibatkan bantuan baja, racun perosak, menyelenggara tali air, meratakan tanah dan kapur di bawah pengendalian Lembaga Kemajuan Pertanian Kemubu (KADA)," ujarnya.

Sementara itu, beliau berkata, Puspa Tani yang didirikan di Parlimen Jeli merupakan yang pertama seumpamanya di negara ini dan berfungsi sebagai pusat penyaluran maklumat agensi kerajaan berkaitan pertanian dan penternakan.